

اتوار 15 جون، 2025

مضمون۔ رب انسان نوں بچان والا

سنہری متن: یسعیاہ 3 باب 10 آیت

”راستبازاں دے بارے آکھو پئی چنگائی ہووے گا۔“

جوابی پڑھائی: نوحہ 3 باب 21 توں 26 آیتاں

- 21۔ میں ایسے اُتے اُتر دار ہناں واں۔ ایس لئی میں امید دار واں۔
- 22۔ ایہہ خداوند دی شفقت اے پئی اسی فنا نئیں ہوئے کیوں جے اوہدے رحم دا اخیر نئیں۔
- 23۔ اوہ ہر سویر نوں تازہ اے۔ تیری وفاداری وڈھی اے۔
- 24۔ میری جند نے آکھیا میرا حصہ خداوند اے! ایس لئی میری آس اوہدے توں ای اے۔
- 25۔ خداوند اوہناں اُتے مہربان اے جیہڑے اوہدی اڈیک کر دے نیں۔ اوس جند اُتے جیہڑی اوہدی طالب اے۔
- 26۔ ایہہ واوالے پئی بندہ آس رکھن والا اے تے چپ کر کے خداوند دی مکتی دی اڈیک کرے۔

درسی وعظ

بائبل وچوں

1- 2 کرنتھیوں 6 باب 1، 16 (ایس لئی)، 18 آیتاں

1- تے اسی جیہڑے اوہدے نال کم وچ شریک آں ایہہ وی تہاڈے اگے منت کر دے آں پئی رب دا فضل جیہڑا تہاڈے اُتے ہو یا اے بے فائدہ نہ رہن دیو۔

16-۔۔۔ ایس لئی رب نے آکھیا پئی میں اوہناں وچ و ساں گاتے اوہناں وچ تڑاں پھراں گاتے میں اوہناں دارب ہونواں گاتے اوہ میری اُمت ہون گے۔

18- تے تہاڈا پیو ہونواں گاتے تسی میرے پترتے دھیاں ہوو گے۔ ایہہ خداوند قادر مطلق دا اکھان اے۔

2- خروج 19 باب 3، 4، 5 (چلو) (توں پہلی) آیتاں

3- تے موسیٰ اوہدے اُتے چڑھ کے رب دے کول گیتے خداوند نے اوہنوں پہاڑ توں پکار کے آکھیا پئی توں یعقوب دے خانوادے نوں ایج آکھ تے بنی اسرائیل نوں دس دے۔

4- پئی تسی دیکھیا پئی میں مصریاں دے نال کیہ کیتاتے تہانوں جیویں عقاب دے پراں اُتے بٹھا کے اپنے کول لے آیا۔

5۔۔۔ میرے عہد اُتے چلو۔

3۔ ملاکی 3 باب 6 آیت

6۔ کیوں جے میں خد اوند نہ بدلن والا واں ایس لئی اے بنی یعقوب تسی برباد نہیں ہوئے۔

4۔ 2 سلاطین 4 باب 8 توں 16 (توں پہلی)، 17 توں 23، 25 توں 27، 30 توں 37 آیات

8۔ تے اک دن ایتج ہو یا پئی الیشع شو نیم نوں گیا۔ او تھے اک دولت مند عورت سی تے اوہنے اوہنوں روٹی کھاؤن تے مجبور کیتا فیر تے جدوں کدی اوہ او تھوں لنگداروٹی کھاؤن لئی او تھے ٹر جاؤند اسی۔

9۔ ایس لئی اوہنے اپنے بندے نوں آکھیا ویکھ مینوں لگدا اے پئی ایہہ رب دا بندہ جیہڑا اکثر ساڈے ول آؤند اے مقدس اے۔

10۔ اسی اوہدے لئی اک پلنگ تے کوٹھری کند اُتے بنا دیئے تے اوہدے لئی اک پلنگ تے میز تے چوکی تے شمعداں لگا دیئے۔ فیر جدوں کدی اوہ ساڈے کول آوے تے او تھے ای تھہرے گا۔

11۔ ایس لئی اک دن ایتج ہو یا پئی اوہ اودھر گیا تے اوس کوٹھری وچ جا کے او تھے ای سوتا۔

12۔ فیر اوہنے اپنے خادم جیجازی نوں آکھیا پئی ایس شو نیمی عورت نوں سدے۔ اوہنے اوہنوں سد لیا تے اوہ اوہدے سامنے کھلو گئی۔

13۔ فیر اوہنے اپنے خادم نوں آکھیا توں اوہنوں پوچھ پئی توں جیہڑیاں ساڈے لئی لیہنیاں فکر اں کیتیاں تے تیرے لئی کیہ کیتا جاوے؟ کیہ توں چاؤنی ایس پئی بادشاہ نوں یا فوج دے سردار نوں تیری سفارش کیتی جاوے؟ اوہنے جواب دتا میں تے اپنے ای لوکاں وچ رہی واں۔

14- فیر اوہنے اوہنوں آکھیا اوہدے لئی کیہ کیتا جاوے؟ فیر جیجاری نے جواب دتا کیہ واقعی اوہدے کوئی پتر نیں تے اوہدا بندہ بڈھا اے۔

15- فیر اوہنے اوہنوں آکھیا اوہنوں سد لے تے جدوں اوہنے اوہنوں سدیا تے اوہ بُوے اُتے کھلو گئی۔

16- فیر اوہنے آکھیا موسم بہار وچ ویلا پورا ہوون اُتے تیری گود وچ پتر ہووے گا۔ اوہنے آکھیا نیں اے مالک اے رب دے بندے اپنی لونڈی نوں جھوٹ نہ آکھ۔

17- ایس لئی اوہ عورت حاملہ ہوئی تے جیویں الیشع نے اوہنوں آکھیا سی موسم بہار وچ ویلا پورا ہوون اُتے اوہدے پتر ہوئیا۔

18- تے اوہ منڈا اوڈھا ہوئیا تے اک دن اتخ ہوئیا پئی اوہ اپنے پیو دے کول کھیت وڈھن والیاں وچ ٹر گیا۔

19- تے اوہنے پیو نوں آکھیا ہائے میرا سر! ہائے میرا سر! اوہنے اوہنوں آکھیا اوہنوں اوہدی ماں دے کول لے جا۔

20- جدوں اوہنے اوہنوں لے کے اوہدی ماں دے کول آپڑا دتا تے اوہ اوہدے گوڈیاں اُتے دوپہر تیکر میٹھیار ہنیا ایہدے بعد مر گیا۔

21- ایہدے بعد اوہدی ماں نے اُتے جا کے اوہنوں رب دے بندے دے پلنگ اُتے لٹا دتا تے بُوہا بند کر کے باہر ٹر گئی۔

22- تے اوہنے اپنے بندے نوں پکار کے آکھیا جلد جو اناں وچوں اک نوں تے گدھیاں وچوں اک نوں میرے لئی گھل دے تاں جو میں رب دے بندے کول تنج جاواں تے فیر مڑ آواں۔

23- اوہنے آکھیا اج توں اوہدے کول کیوں جانا چاہی ایس اج نہ تے نواں چن اے نہ سبت اے۔ اوہنے جواب دتا پئی چنگای ہووے گا۔

25- تداوہ ٹری تے کرمل دی پہاڑی اُتے رب دے بندے دے کول گئی۔ رب دے اوں بندے نیں دوروں اوہنوں دیکھ کے اپنے خادم جیجاری نوں آکھیا دیکھ اوہدے شو نیسی عورت اے۔

- 26۔ ہن اوہنوں جی آیاں نوں آکھن لئی دوڑ جاتے اوہنوں نیچھ کیکہ توں ٹھیک ایس؟ کیکہ تیرا بندہ ٹھیک اے؟ کیکہ تیرا بال ٹھیک اے؟ اوہنے جواب دتا ہاں ٹھیک نیں۔
- 27۔ تے جدوں اوہ اوس پہاڑ اُتے رب دے بندے کول آئی تے اوہدے پیر پھڑلے تے جیازی اوہنوں چکن لئی نیسرے آیا پر رب دے بندے نے آکھیا اوہنوں چھڈ دے کیوں جے اوہداجی پریشان اے تے خداوند نے میتھوں ایہہ گل لکوائی تے مینوں نہ دسی۔
- 30۔ اوس منڈے دی ماں نے آکھیا خداوند دی حیاتی دی قسم تے تیری جند دی سوں میں تینوں نیں چھڈاں گی تداوہ اُٹھ کے اوہدے مگر مگر گیا۔
- 31۔ تے جیازی نے اوہدے توں پہلاں آکے عصانوں اوس منڈے دے مونہہ اُتے دھر دتا پر نہ تے کوئی آواز آئی تے نہ کوئی سننا ہو یا ایس لئی اوہ اوہنوں ملن نوں پر تیا تے اوہنوں دسیا پئی منڈا نیں جا گیا۔
- 32۔ جدوں الیشع اوس گھر وچ آیا تے ویکھو اوہ منڈا مر یا ہو یا اوہدے پلنگ اُتے پیاسی۔
- 33۔ ایس لئی اوہ اندر گیا تے بوا بند کر کے خداوند توں دعا کیتی۔
- 34۔ تے اُتے چڑھ کے اوس بال دے اُتے لمے پے گیا تے اوہدے مونہہ اُتے اپنا مونہہ تے اوہدیاں اکھیاں اُتے اپنیاں اکھیاں تے اوہدے ہتھ اُتے اپنے ہتھ دھر لئے تے اوہدے اُتے پھیل گیا۔ تداوہ بال داپنڈ اتنا ہو ون لگیا۔
- 35۔ فیر اوہ اُٹھ کے اوس چھت اُتے اک واری پھیرالان لگیا تے اُتے چڑھ کے اوس بال اُتے پھیل گیا تے اوہ بال ست واری چھکیا تے بال نے اکھیاں کھول دتیاں۔
- 36۔ فیر اوہنے جیازی نوں سد کے آکھیا اوس شونیمی عورت نوں سد لے ایس لئی اوہنے اوہنوں سدیا تے جدوں اوہ اوہدے کول آئی تے اوہنے اوہنوں آکھیا اپنے پتر نوں چک لے۔
- 37۔ فیر اوہ اندر جا کے اوہدے پیراں وچ ڈگی تے دھرتی اُتے سرٹیا فیر اپنے پتر نوں چک کے باہر ٹر گئی۔

5۔ یسعیاہ 49 باب 8 توں 10 آیتاں

8- خداوند اینج آکھدا اے پئی میں قبولیت دے ویلے تیری سنی تے مکتی دے دن تیری مدد کیتی میں تیری حفاظت کراں گاتے لوکاں لئی تینوں اک عہد بنانواں گاتاں جو توں ملک نوں بحال کریں تے ویران میراث وارثاں نوں دیویں۔

9- تاں جو توں قیدیاں نوں آکھیں پئی نکل جاؤ تے اوہناں نوں جیہڑے ہنیرے وچ نیں پئی اپنے آپ نوں دکھاؤ۔ اوہ راہواں وچ چرن گے تے سارے ننگے ٹیلے اوہناں دیاں چراہگانواں ہو دن گیاں۔

10- اوہ نہ کچھ ہوون گے تے نہ تریاں تے نہ گرمی نہ ٹپ نال اوہناں نوں نقصان ہووے گا کیوں جے اوہ جیدی رحمت اوہناں اُتے اے اوہناں دار ہنما ہووے گاتے پانی دیاں سوتیاں ول اوہناں دی راہنمائی کرے گا۔

6- عبرانیوں 4 باب 16 آیت

16- ایس لئی آؤ اسی فضل دے تخت دے کول دلیری نال جاییے تاں جو ساڈے اُتے رحم ہووے تاں جو اوہ فضل حاصل کریئے جیہڑا لوڑ دے ویلے ساڈی مدد کرے۔

7- پیدائش 16 باب 13 (ٹو) (تو)؛ آیت

13- اے رباتوں ویکھد ایں۔

8- رومیوں 8 باب 28، 31 آیتاں

28۔ تے ساہنوں پتا اے پئی ساریاں شیواں رل کے رب دے نال پیار کرن والیاں لئی بھلیائی پیدا کر دیاں نیں یعنی اوہناں لئی جیہڑے رب دے ارادے دے مطابق بلائے گئے نیں۔

31۔ ایس لئی اسی ایہناں گلاں دے بارے کیہ آکھئے جے رب ساڈے ول اے تے کون ساڈا مخالف اے؟

سائنس تے صحت

1۔ 32-28:78

روح انسان نوں برکت دیندی اے، پر انسان نئیں جان دا ”پئی اوہ کتھوں آؤندی اے“۔ ایہدے توں بیمار شفا پاندے نیں، دُکھی تسلی پاندے نیں تے پاپی چھڑائے جاندے نیں۔ ایہہ اک عالمگیر رب دے اثر نیں جیہڑا ہمیشہ دی سائنس وچ لگی ہوئی چنگی رہائش اے۔

2۔ 14-6، 4-1:1

اوہد جیہڑی پاپی نوں ٹھیک کر دی اے تے بیمار نوں ٹھیک کر دی اے اوہ پورے طور تے ایہہ ایمان اے پئی رب لئی سب کچھ ممکن اے، جیہڑی اوہدے بارے اک روحانی سمجھ، اک بے غرض پیار اے۔۔۔ دعا، دھیان رکھنا، تے کم

کرنا اپنے آپ دی تباہی دے نال رل کے، اوہنوں پورا کرن لئی رب دے برکت والے ذریعے نہیں جو کجھ وی مسیحت تے انسانیت دی صحت لئی کامیابی نال پورا کیتا گیا ہووے۔

نہ آکھے ہوئے خیال الہی سیان لئی انجان نئیں۔ تاہنگ دعاے؛ تے ساڈیاں خواہشاں لئی رب اُتے بھروسہ کرن نال کوئی نقصان نئیں ہندا، پئی اوہ لفظ بنن تے عمل وچ آؤن توں پہلاں بن گئے تے مشہور کیتے جا چکے نئیں۔

3- 94:139

شروع توں اخیر تیکر، سارا کلام پاک مادے اُتے روح، سیان دی فتح دے واقعاں نال بھریا ہوئیا اے۔ موسیٰ نے سیان دی طاقت نوں ایہدے راہیں ثابت کیتا جنہوں انسان معجزے آکھدا اے؛ ایسے طراں یشوع، ایلیا تے الیشع نے وی کیتا۔ مسیحی دور نوں علامتاں تے عجیب کماں دی مدد نال ودھایا گیا۔

4- 134:328

انسان سمجھدے نہیں پئی اوہ چنگیائی دے بغیر زندہ رہ سکدے نئیں، جد کہ رب چنگیائی تے گلائی اصل حیاتی اے۔ تے ایہد نتیجہ کیہ ہندا اے؟ اوس الہی اصول دے بارے گھٹ فہم رکھدیاں ہوئے جیہڑا مکتی تے شفا دیندا اے، انسان صرف ایمان دے نال پاپ، بیماری تے موت توں رہائی پاسکدے نئیں۔ ایہہ غلطیاں اصل وچ ایہی تباہ نئیں ہندیاں، تے اوہناں نوں اوہدوں تیکر، ایہتھے یا لیس توں بعد، انساناں دے نال جڑے رہنا چاہیدا اے جدوں تیکر اوہ سائنس وچ رب دے اصلی ادراک نوں نئیں پالیندے جیدے نال رب دے بارے انسان دیاں غلط فہمیاں ہندیاں نئیں تے ایہہ اوہدی کابلیت دے بارے وڈھیاں حقیقتاں نوں ظاہر کردا اے۔

5- 24-15:120

صحت مادے دی حالت نہیں بلکہ سیان دی حالت اے؛ تے نہ ای مادی حساں صحت دے موضوع اُتے بھروسے دے قابل گواہی پیش کر سکدیاں نیں۔ شفا سیان دی سائنس کسے کمزور لئی ایہہ ہونا نہ ممکن بیان کردی اے جد کہ سیان لئی ایہدی اصل تصدیق کرنا یا انسان دی اصلی حالت نوں ظاہر کرنا ممکن پیش کردی اے۔ ایس لئی سائنس دا الہی اصول بدنی حساں دی گواہی نوں بدل دیاں ہوئے انسان نوں بطور سچائی ہم آہنگی دے نال موجود ہونا ظاہر کردا اے، جیہڑا صحت دی کلی نیو اے؛ تے ایخ سائنس ساری بیماری توں انکار کردی، بیمار نوں شفا دیندی، جھوٹی گواہی نوں برباد کردی تے مادی منطق دی تردید کردی اے۔

6- 32-27، 19-7:371

کر سچن سائنس وچ پائے جان والے غیر تربیت یافتہ لوکاں ولوں، مادی وجود دے بارے اصل وچ کجھ نہیں سمجھیا جاندا۔ ایہہ نیا جاندا اے پئی انسان ایہتے اوہناں دی مرضی نال نہیں، تے اوہناں نوں غیر ارادی طور تے ہٹا چھڑیا اے، بغیر ایہہ جانن دے پئی کیوں تے کدوں۔ جیویں ڈرے ہوئے بال کسے خیالی بھوت نوں ایدھر اودھر دیکھدے نیں، اوو سے طراں بیمار انسان وی ہر پاسے خطرہ ای دیکھدے نیں، تے ٹھیک راہ دے علاوہ ہر پاسیوں تسلی لبھدے نیں۔ ہنیر اڈرنوں پیدا کردا اے۔ کوئی سیانا بندہ اپنے عقیدیاں دی غلامی وچ اپنے اصلی وجود نوں کسے بال توں بوہتا نہیں سمجھ سکدا؛ تے سیانے بندے نوں اوہدے، ہنیرے وچوں کڈھنا چاہیدا اے، ایہدے توں پہلاں پئی اوہ ایہناں فریبی دُکھاں توں آزاد ہو سکے جنہاں دا ہنیرا ودھدا جاندا اے۔ ایس حالت وچوں نکلن دی کلی راہ کر سچن سائنس وچ اے۔

دوڑ نوں تیز کرن دی لوڑ ایس اصلیت دی پیو اے پئی سیان ایہہ کر سکدی اے؛ کیوں جے سیان گند دی بجائے صفائی، کمزوری دی بجائے طاقت، تے بیماری دی بجائے تندرستی دیندی اے۔ ایہہ پورے نظام وچ بدلن دے قابل اے، تے ایہنوں ’ہر ذرے تیکر‘ بناسکدی اے۔

7- 27-20:596

وادی۔ ذہنی دباؤ، مسکینی، ہنیرا۔

”بلکہ بھانویں موت دے پرچھانویں والی وادی وچوں میں لنگناں ہووے میں کسے بلاتوں نہیں ڈراں گا۔“ (زبور 23: 4 آیت)

بھانویں انسانی سوچ دے مطابق راہ ہنیراے فیروی الہی حیاتی تے محبت ایہنوں روشن کردی اے تے انسانی خیال دی بد امنی، موت دے ڈر، تے غلطی دی فرضی حقیقت نوں تباہ کر دیندی اے۔ کر سچن سائنس، حساں دی مخالفت کر دیاں ہوئے، وادی نوں گلاب وانگر پھٹن تے کھلن لئی تیار کردی اے۔

8- 30-18:151 (دی)

ڈر کدی اپنے آپ دے ہون تے اپنے کماں توں نہیں رُکدا۔ لہو، دل، پھپھیریاں وغیرہ داحیاتی، یعنی رب نال کوئی تعلق نہیں اے۔ اصل انسان داہر کم الہی سیان دی رکھوالی وچ اے۔ انسان دی سوچ قتل کرن یا علاج کرن دی کوئی طاقت نہیں رکھدی، تے ایہہ دے بندے اُتے کوئی اختیار نہیں اے۔ اوہ الہی سیان جنہے انسان نوں بنایا اپنی

صورت تے شبیہ نوں قائم رکھدا اے۔ انسانی سیان رب دے مخالف اے تے ایہنوں مکنا چاہیدا اے، جیویں پئی پولوس رسول واضح کر دالے۔ جیہڑا وجود رکھدا اے اوہ بس الہی سیان تے اوہدا خیال اے، ایسے سیان وچ ساری ہستی ہم ساز تے ابدی ہندی اے۔ سدھایا تنگ راستہ ایس سچائی نوں دیکھن تے من، ایس طاقت نوں من تے سچائی دی راہ اُتے ٹرن لئی اے۔

9- 32-27:387

مسیحت دی تاریخ اوس اسمانی پیو، قاد مطلق سیان، دے دتے ہوئے اثراں تے حفاظت کرن والی طاقت دے شاندار ثبوتوں نوں سامنے لیاؤندی اے جیہڑا انسان نوں ایمان تے سمجھ دیندا اے جیدے نال اوہ اپنے آپ نوں بچاسکدا اے نہ صرف آزمائش توں بلکہ جسمانی دکھاں تووی۔

10- 3-26:514

اوس اختیار نوں سمجھدیاں ہوئے جیہڑا محبت ساریاں اُتے رکھدی اے دانی ایل نے شیراں دی کھوہ وچ محفوظ محسوس کیتا، تے پولوس نے سپ نوں نقصان نہ دین والا ثابت کیتا۔ رب دی ساری مخلوق جیہڑی سائنس دی ہم آہنگی وچ ٹردی اے نقصان نہ دین والی، فائدہ دین والی تے لازوال اے۔ ایس وڈھی اصلیت دا احساس ای پرانے شریف لوکاں دی طاقت دا وسیلہ سی۔ ایہہ مسیحی شفا وچ مدد دیندا اے، تے ایہدے مالک نوں یسوع دے نمونے مگر ٹرن دے قابل بناؤندا اے۔ ”تے رب نے ویکھیا پئی بوہت چنگا اے۔“

11- 7-4:261

برداشت، چنگیائی تے سچائی نوں زور کے پھڑ لو ووتے تسی اوہناں نوں اپنے خیالاں دے قبضے دے تناسب توں اپنے تجربات وچ لیاو وگے۔

12- 13:369-5

ایس تناسب وچ پئی انسانی فہم لئی جد مادا انسان دے طور تے ساری ہستی گواہیندا اے تے ایسے تناسب وچ اوہ لہندا مالک بن جاندا اے۔ اوہ اصلیتیاں دے ہو رالی فہم وچ وڑھ جاندا اے، تے اوہ یسوع دی الہیات نوں سمجھدا اے جد ایہہ بیمار نوں شفا دین، مردے نوں جیوندہ کرن تے پانی اُتے ٹرن نال ظاہر ہوئی۔ ایہناں سارے کماں نے ایس عقیدے اُتے یسوع دے اختیار نوں ظاہر کیتا پئی ماداموادا اے، پئی ایہہ حیاتی داثالشی یا وجودیت دی کسے وی شکل نوں بناؤن والا ہو سکدا اے۔

13- 14:368-19

جدوں اسی غلطی توں بوہتا حیاتی دی سچائی اُتے بھروسہ کردے آں، مادے توں بوہتا روح اُتے بھروسہ کردے آں، مرن توں بوہتا جین اُتے بھروسہ کردے آں، انسان توں بوہتا رب اُتے بھروسہ کردے آں، تے کوئی مادی مفروضے ساہنوں بیماراں نوں شفا دین تے غلطی نوں تباہ کرن تو نہیں روک سکدے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے،“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانو اں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چُستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔